



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Ioannis || Slotani || Geffensis, Sacrae || Theologiae  
Profes-||soris, De retinenda fide orthodo-||xa & catholica  
aduersus hæ-||reses & sectas, & præci-||puè  
Lutherana[m], Li-||bri nouem.||**

**Slotan, Johann**

**Coloniae, 1560**

**VD16 S 6745**

Capvt Primvm.

**urn:nbn:de:hbz:466:1-29875**

IOANN. SLO. GEF.  
LIBER SECVNDVS  
CAPVT PRIMVM.

**E**cclēsia  
catholica  
in quo cō  
stat,



Ecclesia Catholica consistit in vinculo vnionis & pacis, recto vsu sacramentorum, doctrina sana & apostolica per spiritū sanctum viua traditione, quā ipsa per successionis seriem Episcoporum & patrū, ab Apostolis, Apostoli à Christo, Christus à Deo accepit, Præcipua iā commemorata sunt, in quibus Ecclesia Catholica & Apostolica cōsistit, & quibus quasi notis & indicijs quibusdam dinosciqueat & debeat, videlicet vinculū vnionis & pacis, rectus vsus sacramentorum, doctrina sana, apostolica traditio, quam ipsa per successionis seriē ab apostolis, apostoli à Christo, & Christus à Deo accepit. Nam illa Ecclesia est ab apostolis fundata, cuius fides & cathedra seu doctrina, & potestas ecclesiastica, id est, vis seu potestas dimittendi & retinēdi peccata, ligandi atque soluēd, baptizandi & docendi, nec non interpretandi scripturas,

DE RETI. FIDE ORT. 18

scripturas, deriuatur à Christo in Apo-  
stolos, quibus sensum aperuit vt intelli-  
gerent scripturas, & ab illis per traducē  
succedentium Ecclesiarū & Episcopo-  
rum, vsque ad præsens tēpus durat. Hæ-  
retici nostri temporis, libēter audiunt  
Ecclesiā illic esse, vbi est fides & verbū  
Christi, libēter admittūt has esse notas  
Ecclesiæ, habere videlicet Christi do-  
ctrinā & hanc puram, sacramenta & re-  
ctum eorum vsum, sed reliquas audire  
contemnūt. Et quanquam hæ notæ Ec-  
clesiæ sint propriæ, non tamē sunt adeo  
claræ & sufficiētes ad veram Ecclesiam  
demonstrandam, vt per eas possit vera  
Ecclesia, ab adulterinis conuētibus hæ-  
reticorum (quæ has notas sibi tribuūt)  
secerni. Nam omnes omnium ætatū hæ-  
retici (qui vnitatē fidei nec inter se ser-  
uant) has notas sibi tribuerūt. Ad verā  
itaq; per totum mundum dispersam, A-  
postolicam & Catholicam seu vniuersa-  
lem Ecclesiam, visibilem, manifestam,  
non spiritualem vel mathematicam, ex  
prædestinatis aut charitate præditis tan-  
tum adunatam, sed ex malis & bonis,  
D a dum

IOANN. SLOT. GEF.

dum in hoc mundo versatur, coaptatā, ad talem, inquam, Ecclesiam demonstrandam, notæ (quas assignant hæretici) non sufficiunt, sed oportet adesse reliquas iam à nobis datas.

CAPVT II.

Doctrina  
tradita  
pe successi  
onisteri-  
em Episco  
porum &  
patrum, a  
pud quos  
centenda  
sit esse.

**P**orrò quoniam de reliquis notis nihil curant aduersarij, eò quòd eas in secta sua ostendere nequeant, idcirco apud eos vera Ecclesia non est. Et licet conentur eas aut cerè quasdam ex eis sibi vindicare, non tamen id verè demonstrant, sed neque possunt: fingunt ergo potius eas, utpote cùm Episcopatus & Episcopos nescio quos nominant, sed re vera non sunt, quia ab apostolica cathedra minimè traxerunt originem, nec est apud eos catholica doctrina per successionis seriem Episcoporum & patrum. Patres autem doctrinam & fidem apostolorum, dicunt esse apud eos, qui custodiunt professionem omnium patrum, secundum suorum temporum successiones, in his quæ sunt fidei, ut auctor est Irenæus lib. 4. c. 43. & 63. Nam cap. 43. sic inquit. Eis qui  
in